



11. august 2010

Inatsisartut suleriaasianni §36, imm. 1 naapertorlugu Naalakkersuisunut apeqqut imaattoq matumuuna saqummiuppara:

Sooq nunatta kitaata avannaarsua nakkutilliisoqartinneqassanngila?

(Inatsisartunut ilaasortaq Isak Hammond, Inuit Ataqatigiit)

Tunngavilersuutit:

Ilisimasatsitut nunatta kangiata avannaarsua nakkutilliisoqartinneqarpoq. Kisiannili paasisat toqqammavigalugit nunatta kitaata avannaarsua immikkut nakkutilliisoqartinneqarani.

Takornarissat eqqarsaatigalugit nakkutigineqaratik angallannerat, umiarsuit takornariartaatit atorlugit maanna angalasoqarluartarnera amerliartuinnarnissaallu ilimagineqarsinnaammat nakkutilliisoqarnissaq pisariaqartuusoq isumaqarfiginarpoq.

Ukiukkut takorlooruminaakkaluartumik Canada-miit Amerika-miillu timmisartumik ilisimaneqarpiannngitsumik annertuumik angalasoqartarnera Avanersuarmini piniartunit nalunaaruteqartarnerisigut tusaamavarput.

Isumaqarnarpoq uppersaatissanik takussutissiisoqareersimappat piaartunik iliuseqartoqarnissaq pingaaruteqartoq.

Qalasersuup avannarliup sikuata annikilliarternarata, kiisalu nunatta kitaata avannaarsuata imartaata atorluarneqarnerulernissaa kikkunnit tamanit soqutigineqarluni eqqummariffigineqaraluttuinnarnera pissutigalugu, piaartumik iliuseqarnissaq pisariaqarluinnartoq isumaqarpunga.

Ukioq naallugu kitaata avannaarsuata nakkutilliisulernissaa pisariaqarpoq. Aaqquussaasumik ukiutillugu avanersuarmini najugaqartut qimussimik nakkutilleeqataasinnaanerat periarfissat pitsaasut ilagigaat isumaqarnarpoq. Aasaatillugu taamatorluinnaq piniartunik suleqateqarluni nakkutilliineq ingerlanneqarsinnaasutut aamma takorloorneqarsinnaavoq.